

Piremõ Pawre kot Piremõ hwỳr kagà nē mēnh

Pawre na pre kagàja nhĩpêx nē hkràmnhwỳ Piremõ hwỳr kumē. Na pre Piremõja amnhĩm kām àpēnh xwỳnh Onesti japrô. Kàxpore ho haprô nhũm amarĩ kām àpēnh o pa. Tã tanhmã hamaxpēr to nē hkaga nē ma umaj krĩ hō hwỳr hprôt nē tēn amũxu nē kamã pa ho pa. Hāmri nē Pawre pumu nē kām amnhĩ jarē. Pawre arĩ kēp prēs nē hkrĩ ho hkrĩ nhũm Onesti omu nē kām amnhĩ jarē. Hāmri nhũm Pawre kām Jejus jarē nhũm kuma nē hkôt amnhĩ xām kurê kumrêx. Hāmri nhũm Pawre ja hã omu nē hkràmnhwỳ Piremõ mã kagà nhĩpêx nē kamã Onesti xyr pē kām kapēr. Hāmri nē hipêx pa nē Onesti mã kugō nē ma akupỹm ò patrãw Piremõ wỳr kumē nhũm ma mō. Nhũm Pawre kagàja kamã kām kapēr nē kām:

¹ Pa ixkràmnhwỳ Piremõ? Xà amex? Ixpê Pawre na pa awỳr kagà nhĩpêx nē kumē. Apê Kris kôt ixtō hã inhmã akĩnh. Na ka hte ixpyrà nē Kris mã tanhmã amnhĩ nhĩpêx to ho apa. Ta ot pa awỳr kagàja kamã ixpēr mē. ² Amã nē anhōrkwy kamã Tĩrtũm kapēr mar kaxyw mē kēp Jejus kwỳ hã mē pikuprōnh xwỳnhjê hwỳr. Nē Kris kôt pahťox Apti mē Akip wa hwỳr kumē. Akipja na hte mē pah-pyrà nē Pahihti Jejus mã tanhmã amnhĩ nhĩpêx to ho pa.

³ Na pa hte mē ato Mēpanhĩpêêxà maati Tĩrtũm mē Pahihti Jejus Kris wa hwỳr rãhã ho ri ixpa. Kot

mẽmoj to mẽ akutã nojarêr rãhã nhũm wa ỹ hã mẽ
ajamakêtkati nẽ axàmnhĩx apa ho apa kaxyw.

Pawre kot Piremõ nhỹ hã hkĩnh ã harẽnh

⁴⁻⁵ Na pa pre ajarẽnh ma Piremõ. Na htem xatã
tanhmã inhmã ajarẽnh to nẽ ajarẽnh o:

—Hêxta waa nẽ. Piremõ na hte amnhĩ kaxyw
Pahihti Jejus Kris kôt hamaxpêr tỳx nẽ kãm mẽ
ixpê Kris kôt hkwyjê piitã hkĩnh pê tanhmã mẽ ixto
mex to ho ri mẽ ixkôt pa.

Anhỹr o inhmã ajarê pa mẽ kuma nẽ anhỹ hã
ixkĩnh nẽ ato Tĩrtũm wỳr rãhã ho ixpa nẽ ato hwỳr
o:

—Pa Tĩrtũm. Na xep hte Piremõ kãm akĩnh tỳx
nẽ akwyjê ho mex rãhã ho pa. ãm hãmri na hte ã
mẽ hipêx anhỹr o pa. ⁶ Na xep mẽ piitã mẽ kãm
tanhmã Jejus kot mẽ inhnê amnhĩ nhĩpêx to hã
harẽnh o ri mẽ hkôt pa. Jakamã kêr ka tanhmã mẽ
kot mar xwỳnhjê hkrã hto kê mẽhprĩ hã mar tỳx nẽ
Kris kot tanhmã mẽ ho mex to hã amnhĩ tã omu.

Anhỹr o ato kuwỳ. ⁷ Ate Kris kwỳjê ho mex o
apa jakamã te ate pa ixto mex pyrãk Piremõ. Na
htem anhỹ hã hkĩnh nẽ pa. Pa ijaxwỳja ajarẽnh ma
nẽ anhỹ hã ixkĩnh tỳx nẽ jar mẽ hagjênh xà kamã
ixkrĩ.

*Piremõ kot Onesti kamã ukaprĩ hã Pawre kot
kãm karõ*

Rõmãn 15.7; Epes 4.31

⁸ Nà ixte amã mẽmoj jarẽnhja tanhmã kute hkêr.
Kot paj ãm amã mẽmoj jarê nẽ hã awỳ. Nom kot paj
Kris nhỹ hã amã tanhmã hã karõ hto hkêr nẽ. ⁹ Kot
paj ãm pahte xepên to pahkràmnhwỳ hã hã awỳ. Ra
ixwej tỳx nẽ Kris ã arĩ mẽ hagjênh xà kamã ixkrĩ

htã mêmõj tã awỳ ka inhma nẽ inhmã ho anhỳr japêr ko.

¹⁰ E amã àpênh xwỳnh Onestija na ixte amã harênh kaxyw. Na pre man ixwỳr mō. Ixpê prês nẽ ixkrĩ nhũm ixwỳr mō. Pa omu nẽ kãm Jejus jarẽ nhũm inhma nẽ pahpyrà nẽ amnhĩ kaxyw hkôt hamaxpêr nẽ hkôt amnhĩ xãm. Jakamã te kêp ixkra pyræk. Hãmri nẽ ixto ajuta mex o pa.

¹¹ Xep kormã Jejus kôt amnhĩ xãm kêt ri na pre amã àpênh mex kêt nẽ. Nẽ kãm kaga nẽ htỳx ri tanhmã àpênh to ho pa. Tã ra Jejus kôt amnhĩ xãm hãmri nẽ katàt kôt inhmã àpênh mex o pa. Nẽ ixto ajuta mex nẽ. Koja akupỹm amã apê hãmri nẽ amã àpênh mex nẽ.

¹² Jakamã ot pa akupỹm awỳr kumẽ ixkràmnhwỳ. Nom inhmã hapê jakamã koja ma akupỹm mō pa ho ama nẽ. Tã kot paj akupỹm awỳr kumẽ. ¹³ Kot jar ixri arĩk nẽ apãnhã tanhmã ixto ajuta hto ho paja na inhmã hprãm. ¹⁴ Jakamã kot kaj amã akupỹn ixwỳr mênh prãm nẽ mãmri ixwỳr amẽ. Nom ixte ja pumunh kêt. Kam nẽ amã hprãm xà hkôt tanhmã kãm akapêr to. Kãm anẽ kê akuri arĩk nẽ amã àpênh o pa rỳ akupỹn ixwỳr amẽ. ¹⁵ Nom konên. Mãn akupỹm awỳr mōr nẽ kêp Kris kôt akwỳ hã amã àpênh mex kaxyw na pre Tĩrtũm ixwỳr kumẽ nhũm ixwỳr mō nẽ ixri Jejus kôt amnhĩ xãm nẽ ixri pa hã mytwrỳ hkwy hapêx pa akupỹm awỳr kumẽ. ¹⁶ Nom ra kêp amã àpênh xwỳnh pix kêt määnên kêp Kris kôt atōō. Jakamã kot kaj wa atar axpên kôt Pahihti Jejus kôt tãm amnhĩ nhĩpêx o ri apa. Nom määnên kêp ixkràmnhwỳ mex ã inhmã hapêê. ¹⁷ Jakamã kot

kaj ixpê Kris kôt akràmnhwỳ hã ijarẽ hã kot kaj mǎǎnẽnh inhmã ho mex o apa.

¹⁸ Nẽ wam amã àpênh o pata ã mǎn pre apê mêmoj to ahkĩ rỳ akàxpore hkwỳ ho ahkĩnh japêr. Tã pa kot paj hpǎnhã amã amnhĩre. Ka inhmã tanhmã kàxpore jarẽnh to pa amã amnhĩre. ¹⁹ Ixpê Pawre kot paj tanhmã kot ato tewên toja pǎnhã amã amnhĩre. E pa amnhĩ nhĩhkra ho ã amã amnhĩ jarẽnh ã kagà anẽ. Nom ajaxwỳja na ka tanhmã ixto tewên to Piremõ. Na pa pre amã Jejus kot mẽ panê htyk ã harẽ ka pre inhmar xà hkôt hkôt amnhĩ xãm. Jao ixpyrà nẽ atĩr tũm nẽ apa ho apa mã xwỳnhta pǎnhã te ate ixto tewên pyràk.

²⁰ E kwa ixkràmnhwỳ. Ixpyrà nẽ apê Kris kwỳ jakamã kêr ka ixkamã axukapĩ hã inhmã Onesti ho mex nẽ. Kêr pa ja hã ajarẽnh ma nẽ ixkĩnh nẽ tãm ijamaxpêr. ²¹ Nà ra ixte apumunh mex kênã. Kot kaj ixte hã awỳrta kôt hipêx. Ja kaxyw na pa amã kagàja nhĩpêx nẽ awỳr kumẽ. Nom kot kaj ăm ja pix ho anhỹr kêt nẽ. Kot kaj ixte hã awỳrja kôt amnhĩ krã hkôt tanhmã ho mex to. Nà kot kaj ho anẽ.

Pawre kãm Piremõ hwỳr mǎr nẽ omunh prãm ã harẽnh

²² Nẽ Tĩrtũm kot mẽ awỳr inhmẽnh kaxyw mẽ ate ixto hwỳr o apa jakamã koja apu tokyx ma mẽ awỳr inhmẽ. Jakamã kwa kêr ka ixkutêp tanhmã mêmoj to mex to. Kêr pa mẽmo arĩgro hã mǎn awỳr pỏj ka ra ixkutêp tanhmã amnhĩ to hpa nẽ ăm ixpìx kãm ajamak o apa.

²³ Nẽ ota Epasja awỳr hpêr mẽ. Na hte ixpyrà nẽ Jejus Kris ã mẽ hagiênh xà kamã kêp prês nẽ

hkrĩ ho hkrĩ. ²⁴ Nẽ Makre nẽ Aristak nẽ Tẽmti nẽ Rukre mẽ awỳr hpěr mẽ. Na htem ixpyrà nẽ Kris mã tanhmã amnhĩ nhĩpêx to ho pa nom ixrom mẽ kêp prês kêt.

²⁵ E kê Pahihti Jejus Krisja akutã nojarêr rãhã ho pa. Ta ãm ja pix. Ixpê Pawre na pa amã kagà nẽ awỳr kumẽ.

Tĩrtũm kapër ã kagà nyw
New Testament in Apinayé (BR:apn:Apinayé)

copyright © 1999 Wycliffe Bible Translators, Inc.

Language: Apinayé

Translation by: Wycliffe Bible Translators, Inc.

Apinayé [apn], Brazil

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apinayé

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files
dated 29 Jan 2022

383a4e22-34cd-505f-9cc2-2f9921e7aa9f